

Tswana - Botshabelo Dikwalo - Protection Scriptures

Jeremia 1:18 Mme bona, kajeno nna ka nosi ke go dirile motse o o femetsweng, le tshipi-lore le dipota tsa kgotlho gore o palele lefatshe lotlhe le dikgosi tsa Juta, le dikgosana tsa gagwe, le baperesiti ba gagwe le batho ba ba mo nageng.

Hesekiele 3:18 Fa ke raya moikepi ke re: ‘O tshwanetse go swa!’ mme o sa mo tlhagise, o sa bue sepe gore o mo tlogedise tsela e e bosula ya gagwe gore a pholosiwe, foo ene moikepi o tla swa ka boleo jwa gagwe, mme madi a gagwe ke tla a lopa mo seatleng sa gago.

Jeremia 6:27 Morena o ne a ntheile a re: “Ke go dirile motlhatlhobi mo morafeng wa me le motlhaodi wa ona gore o itse, o tlhatlhobe ditsela tsa bone.

Lefitiko 26:19 Ke tla roba thata ya Iona e lo ikgodisang ka yona, ke dira legodimo la Iona gore le nne jaaka tshipi le lefatshe la Iona go nna jaaka kgotlho.

Doiteronomio 23:5 Mme Morena, Modimo wa gago, a gana go utlwa Bileame, a go fetolela khutso go nna tshegofatso, ka Morena, Modimo wa gago, a ne a go rata.

BaRoma 12:21 O se ka wa fenngwa ke bosula, mme fanya bosula ka molemo.

DipeSalome 143:8,10 Nkutlwise bopelonomi jwa gago mo mosong; gonne ke ikantse wena. Nkitsise tsela e ke tshwanetseng go e tsamaya; gonne ke tsholeletsa mowa wa me kwa go wena. 10 Nthute go dira se se go natefelang; gonne o Modimo wa me. A Mowa wa gago o o molemo o nkogoe mo tseleng e e lekalekanyeng.

DipeSalome 94:12 Go sego motho yo wena, Morena, o mo watlhayang, o mo ruta molao wa gago

Diane Salema 27:12 E a re letlhale le bona dikotsi, le iphitlhe; mme ba ba sa tlhalefang ba fetele pele, ba wele tatlhengong.

BaFilipi 2:16 Io ntse io kgomaretse Lefoko la botshelo go nna pokon ya me ka letsatsi la ga Keresete ya gore ga ke a ka ka sianela lefela le e seng go itapisetsa lefela.

Jesaya 49:4 Mme nna ka re: “Ke itapiseditse lefela, ka fedisetsa thata ya me boithamako fela. Mme ruri tshiamelo ya me e mo Moreneng, tuelo ya me e mo Modimong wa me.”

DipeSalome 76:3 O robakile metsu-seka-ditladi ya bora teng, le thebe le tshaka le tsa ntwa. Sela.

BaHebere 13:21 a o lo nonotshe mo go sengwe le sengwe se se siameng gore lo dirafatse thato ya ona o o dirang mo go Iona se se o kgatlhang ka Jesu Keresete; a kgalalelo e nne ya gagwe ka bosakhutleng! Amen.

1 BaKorinthe 16:15 Bakaulengwe, ke a lo rapela - Lo itse ba ntlo ya ga Setefane gore ke bone badumedi ba ntlha ba Agaya, mme ba ineetse mo tirelong ya go direla baitshepi -

BaFilipi 1:27 Fela tshelang mo phuthegong jaaka go tshwanetse Efangele ya ga Keresete gore le fa nka tla ka lo bona gongwe ke se yo, ke utlwe ka ga lona gore lo eme ka tlhomamo mo moweng o le mongwe fela, lo tlhabanelo tumelo ya Efangele mmogo ka bongwefela jwa pelo,

1 BaKorinthe 15:58 Jalo he, bakaulengwe ba me ba ba rategang, nnang tlhomamo, lo se tshikinyege, lo nne lo totele pele mo tirong ya Morena, ka lo itse gore matsapa a lona ga se a lefela mo Moreneng.

BaKolose 4:12 Epafera o a lo dumedisa, yo e leng wa ga lona, motlhanka wa ga Keresete Jesu, yo o ntseng a lo tlhabanelo ka gale ka merapelo ya gore lo eme mo thatong yotlhe ya Modimo ka botlalo le ka tlhomamo.

2 Dikgosi 19:34 Gonne ke tla sireletsa motse o, ke o pholosa ka ntlha ya me le ka ntlha ya ga Dafita mothanka wa me.' "

Jeremia 15:20,21 Foo ke tla go dira lobota Iwa kgotlho lo lo tiileng mo morafeng o. Ba tla tlhabana nao, mme ga ba nke ba go fenza. Gonne ke na nao gore ke go thuse, ke go pholose. Ke Morena yo o buileng jalo. 21 Ee, ke tla go pholosa mo diatleng tsa ba ba pelompe, ke go golola mo matsweleng a barena ba ba setlhogo."

DipeSalome 55:19 O golola mowa wa me ka kagiso mo tlhabanong e e ntlhasetseng; gonne ba ntokile ka bontsi.

Hesekiele 30:24 Mme ke tla tiisa mabogo a kgosi ya Babele, ke tsenya tshaka ya me mo seatleng sa yona; fa e le mabogo a ga Farao, ke tla a roba gore ene a fegelwe fa pele ga yona jaaka go fegelwa yo o khutlegileng la go swa.

Tshenolo 3:18 Ke go gakolola gore o reke gouta mo go nna e e itshekisitsweng ka molelo gore o tle o hume, le diaparo tse ditshweu gore o tle o apare, mme ditlhong tsa bosaikatega jwa gago di se ka tsa senoga, le setlhare sa matlho go itlotsa matlho gore o tle o bone.

1 Johane 3:17 Mme le fa e le mang yo o nang le tsa botshelo jwa lefatshe, mme a fitlhela morwa-Rraagwe a tlhoka, a ba a mo hutela pelo, lorato Iwa Modimo lo ka nna jang mo go ene?

Jesaya 50:4 Morena Modimo o mphile Ioleme Iwa yo o rutegileng gore ke itse go lapolosa yo o lapileng ka mafoko; o ntsosa mo mosong mongwe le mongwe, o nthibolola tsebe gore ke utlwe jaaka barutwa.

DipeSalome 18:40 O ntlamile ka thata go tlhabana; o dira gore bona ba ba ntsogetseng ba ikobe fa tlase ga me.

2 Samuele 22:40 O ntlamile ka thata go ka tlhabana; wa khubamisa ba ba ntsogetseng fa tlase ga me.

DipeSalome 89:44 O titinne bogale jwa tshaka ya gagwe, wa se ka wa mo natlafatsa mo tlhabanong.

Hesekiele 13:6 Ba bonye tsa tsietso le boitseanapa jwa maaka, ba ntse ba re:

“Morena a re!” Mme Morena ga a a ba roma. Jaanong ba letetse gore o dirafatse lefoko la bone.

Lefitiko 26:37 Ba tla welana godimo jaaka e kete ba tshaba tšhaka go se na yo o ba lelekang. Ga lo kitla lo kgon a go emelana le baba ba lona.

1 BaKorinthe 14:8 Kana fa lonaka lo ka ntsha modumo o o sa utlwaleng, ke mang yo o ka iketleeletsang go ya ntweng?

Jobe 15:24 Tlalelo le pitlaganyo di mo tshosa di mo wela jaaka go tshosa kgosi e e bolotseng go tlhasela.

1 Ditirafalo 12:8 Le bangwe ba Bagate ba itomololela kwa go Dafita kwa thabeng e e femetsweng sekakeng, e le bagale ba ba pelokgale, banna ba mephato ba ba itseng go tlhabana ba ba tshwereng thebe le lerumo, ba le difatlhego tsa tau, ba le lebelo jaaka mefele kwa dithabeng.

1 Ditirafalo 12:33,38 Ba ba nonofetseng ntwa ba Basebulone ba ba rulaganyeditsweng tlhabano ba ba tlhomeletseng tlhabano ka dibolai tsa mefutafuta ba ne ba le 50 000, ba tla go thusa ba se pelo-pedi. 38 Batlhhabani botlhe bao ba ba ikemisitseng ka thulaganyo ba tla kwa Heberone ka pelo yotlhe go dira Dafita kgosi ya Baiseraele botlhe; le Baiseraele botlhe ba bangwe ba ne ba ikaeletse go dira Dafita kgosi ka bongwefela jwa pelo.

Luka 10:19 Bonang, ke lo neile thata ya go gata dinoga le diphepheng le ya go fenza nonofo yotlhe ya mmaba; ga go sepe se se ka lo direlang bosula ka gope.

2 BaKorinthe 7:10 Gonne khutsafalo e e batlwang ke Modimo e dira tlhabologo e e sa swabiseng e e isang phologong, mme khutsafalo ya lefatshe yona e isa losong.

2 Timotheo 2:25,26 a be a kgalemele baganetsi ka bonolo, e tle e re gongwe Modimo o ba nee tlhabologo e e isang kitsong ya boammaaruri, 26 ba tle ba rarabologelwe, ba tswe mo serung sa ga Diabolo se ba neng ba tshwerwe ka sona gore ba dirafatse thato ya gagwe.

Nehemia 4:15 Jaanong ya re baba ba rona ba utlwa gore re itse maano a bone le gore Modimo o a sentse, ra boela rotlhe kwa loboteng, mongwe le mongwe a ya kwa tirong ya gagwe.

DipeSalome 73:24 O tla nkgoga ka kgakololo ya gago, mme morago ga moo o tla nkamogela kwa kgalalelong.

Pastor T. John Franklin

Church of Salvation, Healing, and Deliverance

COS-HAD.org